

## **Vetrine internazionâl par Economie**

La facultât di Economie de Universitât di Udin e à vinçût la competizion cu la Bocconi di Milan e e je jentrade a fâ part des 150 facultâts sieltis, pe prime volte, in dut il mont de Ocse (Organizazion pe cooperazion e il disvilup economic) par valutâ il grât di aprendiment dai universitaris. Al principi di Avril 160 students di Udin e di Pordenon si son sometûts in maniere volontarie aes provis, in colegament on line cul centri informatic in Australie, intal ambit dal progjet Ahelo (Assessment of higher education learning outcomes). Pai risultâts si varà di spietâ la Sierade.